

	<h1>Info - Blat</h1>	No 20 Juni 2015
1933 – 2008 75 Joer Amicale	Amicale des Anciens Elèves de l'Institut et du Lycée Technique Privé Emile Metz asbl	www.amicale-ltpem.lu amicale@amicale-ltpem.lu

Léif Memberen a Frënn vun der Amicale

Et ass erëm esou weit, datt mir iech soen wat eis Aktivitéiten an deene leschte 6 Méint vun dësem Joer woren.



22. Januar 2015 Generalversammlung am Restaurant scolaire



27 Memberen haten dësen Owend fir d' Amicale reservéiert. Dësweidere konnte mir den Här Theo Thill, Direkter vun der Schoul, d' Madame Martine Nies-Berchem, Directrice-adjointe, den Éierendirekter René Tissier, d' Madame Joëlle Thill, Presidentin vun der Elterevereenegung, d' Hären Fernand Champagne a Jean Weiler, President resp. Secrétaire vun de Loups Blancs an den Här Claude Haec, President vum Comité Culturel.

Den offiziellen Ordre du jour ass ouni Problem ofgelaf. Duerno, esou wéi an deene leschte Joeren, souze mir beim Buffet froid an "engem" gudde wäisse/roude Wäin, Dessert a Kaffi nach e puer flott Stonnen zesummen. De genëssege Buffet gouf vum "Schoukch" a senger Equipe préparéiert.

Am Comité si Changementer ze verzechnen. De Kugener Ralph, laang Joeren Member am Comité, huet seng Demissioun eragereecht. Seng Aarbecht erméiglecht him net méi esou oft present ze sinn. Fir sei Schaffen an all deene Joeren soe mir him Merci.

Nei am Comité sinn:

Jean-Jacques Kohn, Maître de l'Enseignement Technique Privé fir Konstruktionsmechaniker an eiser Schoul a Jules Weber


De Comité setzt sech aus dëse Memberen zesummen :

Jean-Pierre Unsen, Éierepresident a Member,
 Alphonse Bressanutti President /Secrétaire, Jean
 Biever, Vizepresident, Nicolas Laux, Trésorier,
 Roger Thill Adressfichier/Hompagne/Trésorier
 adj., Tessy Costantini-Conter, Siggy Kirsch,
 Jean-Jacques Kohn, Luc Ley, Dan Scheid,
 Laurence Seyler-Moris, Marco Streff, Jules
 Weber



21. Mäerz 2015 Kleng Porte Ouverte

De Crémant « Cuvée Spéciale 100 Joer LTPEM » ass, esou wéi dat lescht Joer gutt bei de Visiteure ukomm. Schüler déi 20, 30 a nach méi Joeren aus der Schoul sinn, si begeeschter wat alles an der Schoul geännert huet. Dës fréier Schülerin vergësst keng Porte Ouverte. Dem léiwe Klengen war d'Schoul egal. Mee wee weess an e puer Joer.



30. Mäerz 2015 Virtrag iwwert Europa.

Eise fréiere Schüler an Europadeputéierten Georges Bach huet e Virtrag iwwert Europa mat senger Leit a Verkéierspolitik an Europa gehalen. D'Schüler aus dem leschte Schouljoer goufen vun hiren Enseignanten op dës Themen virbereed. Nom Virtrag gouf et eng interessant an dynamesch Diskussioun.



30. Mäerz 2015 Presentatioun vum "Livre Anniversaire".

Den Emile Metz, wat huet dee Mann geschafft? Wéi weit wor hien politesch engagéiert? Wéi al gouf de Mann?

Äntwerten op dës an op vill aner Froen sinn am detailléierten Liewenslaf, zesummegeallt vum Geschichtsprofesser Jean-Marie Majerus, op 18 Säiten am Buch ze fannen.

D'Fondatioun Vve Emile Metz-Tesch. Wéi wichteg war an ass si haut nach fir d'Schoul? Den Här Jean Lamesch, Docteur en Chimie – Physique, beschreift op 36 Säiten d'Entstoen an d'Liewen a gudden an a schwierigen Zäiten vun dëser wichtiger Institutioun.

E weideren Artikel vun der Madame Nies-Berchem Martine beschreift d'Entwecklung vum LTPEM an deene lëschten 25 Joer.

Vun der Journée des Anciens den 19. Oktober 2013 sinn eng Unzuel Fotoen mat enger super Gruppfoto vun alle Participanten am Buch.

Sidd dir um 100 Joer-Buch interesséiert, dann iwwerweist 38 € fir Buch a Porto op de Konto 100 Joer Lycée Emile Metz , 50, rue de Beggen, L-1220 Luxembourg CCPL LU59 1111 3105 5356 0000 Mam Vermierk Livre Anniversaire Gitt wegl. och Num; Virnum a komplett Adress mat un.



14. Abrëll 2015 Visite vum Europaparlament zu Bréissel.

Zu 31 si mir op Bréissel gefuer. Zu Bréissel ukomm goufe mir vun der Madame Maryse Kelsen, eise fréiere Schüler an Europadeputéierte Georges Bach seng Assistentin, emfaangen. Erklärungen iwwert d'Funktionéiere vum Parlament, Entretien mam Georges Bach mat uschléissender Visite vum Plenarsall. Am Restaurant krute mir e gudden Menu servéiert. Géint 15.00 Auer war den offiziellen Deel verbäi a mir hunn nach 2,5 Stonnen zu Bréissel verbruecht. Am Resumé e vollen Erfolleg.



6. Juni 2015 Grouss Porte Ouverte

Och dëst Joer hat d'Amicale hiren traditionelle Stand operiicht. Eisekuchen : super, super plus an turbo. Ah dir wësst net wéi dës Eisekuchen ausgesinn, da si dir fir dat nächst Joer häerzlech invitéiert. D'Eisekuchen si gutt gaangen, wougéint de frësch gepresste Jus net esou vill gefrot gouf. Trotzdem, et war e flotten Dag, mir hunn "al" Kollegen erëmgesinn a mir hunn eist zu der Publicitéit vun der Schoul bäigedroen.



D'Schouljoer an d'Exame sinn op der leschter Ligne droite.

Mir wënschen alle Schüler eng schéi Réussite an duerno hinnen an hiren Elteren eng wuel verdéngte Vakanz.

Dir léif Membere sidd net vergiess. Och dir sollt iech an deenen nächste Méint gutt erhuelen a wann dir op Wanderschaft sidd, vill Neies bäiléieren.



Léif Memberen!

Informéiert eis w.e.g. iwwert äre Changement d'Adress. Bei all Courier kréie mir Bréiwer zeréck mat der Remarque, dat déi Persoun net fond gouf. Schued.

Merci.

Hutt dir eng E-Mail-Adresse ? Sot eis se w.e.g.

An Zukunft kritt Dir dann de Courier op är E-Mail. Domat spuere mer Pabeier, Timberen an Zäit. Dësweideren ass dës Méiglechkeet méi ëmweltfrëndlech.

Eis Adresse: amicale@amicale-ltpem.lu

Merci

